



Foto: Mart J Brokke

Valle skal vere
ein kommune med

Moglegheiter
for alle

Valle Høgre





Valle inn i framtida

Valle Høgre vil:

- Arbeide for aktiv medverknad der innbyggjarar, frivilligkeit og næringsliv står i sentrum
- Arbeid for ein berekraftig politikk som gjer kommunen rusta for framtida
- Arbeide for god kompetanse og kvalitet i tenesteleveringa
- Arbeide for tettare samarbeid mellom dei øvste kommunane i Setesdal
- Arbeide for auka bustadttilbod i sentrumsnære område
- Arbeide for ordningar som stimulerer til bygging av bustader med utleigeeining

Moglegheiter for alle

**Valle skal vere ein attraktiv kommune
å bu, besøke og drive næring. Innbyggjarar,
frivilligkeit og næringsliv skal ha ei rolle i ut-
viklinga av kommunen med ein kultur for
involvering og medverknad.**

**Vi vil vere ein JA kommune som strekker seg
langt for at gode initiativ blir realisert.**



Foto: fotograf Anders Martinsen

Oppvekst

Valle skal vere ein trygg og inkluderande kommune å vekse opp i. Barnehage og skule skal bidra til at born og unge opplever livskvalitet og meistring som gir godt grunnlag til å delta i samfunns- og arbeidsliv i framtida. Kommunen skal rekruttere og ta vare på dyktige tilsette og leggje til rette for fagleg utvikling.

Valle Høgre vil:

- Arbeide for å styrke det tverrfaglege samarbeidet for barnet.
- Oppretthalde to barnehagar i kommunen
- Arbeide for skulemat for elevane i grunnskulen.
- Arbeide for kokk i barnehagane
- Utvikle gode fagnettverk i sektoren
- Bidra til å utvikle Setesdal Folkehøgskule og Setesdal Vidaregående skule med gode rammevilkår frå Valle kommune




Foto: Valle kommune- Valle bygdeheim

Helse og omsorg

Valle kommune skal sørge for gode helse- og omsorgsteneste til innbyggjarane i alle livsfaser. Vi må legge til rette for at alle kan forme sin kvardag og oppleve "å leve heile livet". Våre innbyggjarar skal oppleve ein trygg og god alderdom med tilbod om fysisk aktivitet, sosialt fellesskap, god mat og naudsynt helsehjelp.

Valle Høgre vil:

- Arbeide for opprusting av Bygdeheimen til ein framtidsretta standard for bebuarar og tilsette
- Arbeide for god eldreomsorg for dei som bur heime og på institusjon.
- Legge til rette for gode tilbod om universelt utforma turløyper og fysisk aktivitet for folk i alle aldrar
- Arbeide for nok og rett kompetanse i helsetenesta og ha fokus på kompetanseheving og digitalisering
- Arbeide for eit inkluderande samfunn ut i frå den enkelte sine ressursar og føresetnadar



Næringsliv

Valle kommune skal ha ein tydeleg næringspolitikk, der eksisterande verksemder, etablerarar og nye initiativ vert møtt på ein god måte. Næringsaktivitet skal ver tufta på god forvaltning av eksisterande ressursar, der natur- og kulturbasert næringsliv er ein del av heilskapen.

Valle Høgre vil:

- Arbeide for å ha tilgjengeleg næringsareal på Rysstad og i Valle
- Auke ressursen på nærings- og reiselivsarbeid i kommunen.
- Arbeide aktivt for vidareutvikling av destinasjonen Brokke
- Arbeide for Brokke- Suleskardvegen som heilårsveg
- At kommunen skal nytte private og lokale aktørar der det er mogeleg.
- Arbeide for inkluderande arbeidsplassar og tilbod om lærlingplassar
- Styrke arbeidet med den immaterielle kulturarven slik at den blir ein naturleg del av reise- og næringsliv i kommunen
- Stø opp om arbeidet med Stavkyrkja og kulturbasert næringsliv slik at det blir ein del av lokalt nærings- og reiseliv
- Styrke Setesdalsmuseet og tilhøyrande aktivitet kring kompetansemiljø og bygningsvern
- Arbeide for aktiv bruk av utmark og heieområde



Kultur og fritid

Valle kommune er ein kulturerbar som må ivareta gamle skikkar, tradisjonar, språk, musikk og dans og halde det levande. Det er viktig å halde på denne eigenarten og leggje til rette for utvikling av desse miljøa.

Frivillig arbeid er ein stor ressurs som skapar aktivitet, møteplassar og sosialt fellesskap i lokalsamfunnet.

Valle Høgre vil:

- Styrke arbeidet med Setesdalsfolk og immateriell kulturarv med Unesco-status
- Arbeide for videreføring av Honorarfondet
- Auke ressursar til kultur- og fritid
- Arbeide for eit kulturtilbod som famnar breitt og tar vare på den lokale kulturidentiteten
- Arbeide for eit godt mobilitets- og transporttilbod for å tilby aktivitet for alle heile året.
- Vidareutvikle løopenett, turstiar og turområde for å stimulere til folkehelsefremjande aktivitetar for menneske i alle aldrar.
- Vidareføre ordninga med sesongkort i Brokke Alpinsenter og gratis familiebadning



ORDFØRERKANDIDAT
Knut Hagen



2. KANDIDAT
**Åse Ingebjørg
Flateland**



3. KANDIDAT
Kristin Nomeland

Foto: Monica Rygnestad



Glemte du å stemme Høyre i 2021? Husk at det aldri er for sent å snu! Bli med på laget og stem Høyre.

Muligheter
for alle

Valle Høyre

